

Dornen vss dem Merren, stosst an mins / herren von Brandis hoffaker; vnd wenn die mess nit gesprochen wird, so ist der j s. dn. verfallen sant / Martin des selben iar. / (15) Dornen.

9 D V Id' *Romani martyris. Vigilia.*

10 E III Id' *Laurentii martyris.*

10 s. ○ [ — — ]<sup>1</sup> 5 s. plebano, S. Martino 4 s. Pro tempore dat Jacob Fer, iunior.

(1) Item Raingar Kÿbar vnd Gûta vxor eius vnd iry kind hond geordniat durch iro sell hail willen an ir irazitt<sup>2</sup> / x s. dn. gelcz ab ainem wingarten, lit ze Muren, was Hans Frumoltz, als der brieff vsswissett, den der lûtpriester / vnd die kilchenmaiger jnn hand darvmb. Da sond werden vj s. dn. aim lûtpriester, der sol vff sin iarzitt haben / zwo messan, ain gesprochen vnd ain gesungen, vnd vor den messan so sond die zwen priester sigen<sup>3</sup> ain vigily / vnd nauch den messan vber iro grab gon mit dem placebo vnd sol der lûtpriester dem ander priester geben den / imbis vnd j s. dn.; vnd wenn die messan vnd die vigily als vor staut nit / gehept wirt, so sind die vj s. dn. des selben iar verwallen<sup>2</sup> sant Martin / vnd iiij s. dn. sond werden sant Martin an sinen bûw, vnd sol man daz iarzit begen vor vnsen / frowen tag. (11) Nota. Bon Ouser ließ ab des Raingers weingarten Geist Yôli, / Hans Gstol, Bon Pschach 4 s. vnd viij d. pfenig vnd hat / zum vnderpfand gesetzt sein hostati im dorff vor dem Ouser- / hoff gelegen vnd also seind die 2 bet, die gegen Muren an / Jerg Fursten stossendt vnd ietz Marti Mertz hat, ledig<sup>4</sup> / nach laut seins / brieffs, so er / darumb hat.<sup>5</sup>

11 F III Id' *Thyburcii martyris.*

12 G II Id'

○ Nota. 2 Vtl. Waissen plebano

(1) Item Haincz Schribar vnd Vrsul vxor eius vnd Hug ir sun, dû hond gelon j fiertal waissen / vss dem aker vff der vndren hûb, da uor aim lûtpriester ain fiertal waissen vssgaut, da

<sup>1</sup> 25 mm gestrichen und unlesbar. — <sup>2</sup> sic! — <sup>3</sup> statt singen. — <sup>4</sup> von hier an am linken Rand mit Verweisungszeichen xxx vide. — <sup>5</sup> diese Sache füllt den Raum zum 10. und 11. Aug.